

Sommernachtsfescht TGW vom 15.06.2007

Wie immer hei mir eus am halbi ahti bim Cheesihüsli troffä...
S Wätter isch dr ganz Tag rägnerisch gsi und dorum hei s Judith, Brigitt und dr Kuddi entschiedä, dass mir nid in Wald göngä sondern bis Straumanne im Schöppli si.

Nacherä chlinä Wanderig übers Fäld simer im Schöppli acho, wo dr Grill scho heiss gsi isch...

Do drzue mues me no sägä, nur dr Rolf und dr Ernst hei dr Rucksack mitgschleppt, obwohl si jo au nüm die Jüngstä si!!! Was hei ächt die zwo dört drin gha???

Denn hei alli ihri Grilladä uspackt und s grossä Brötlä isch loos gange.

Nach däm alli gässe hei, ischs zimli lang gange und mr hei fascht sehnsüchtig uf dass Dessert gwartet – wos den cho isch, hmhmhmhm isch das super gsi.

In dä spöterä Stundä hei sich die eintä verabschidet, wie immer gits au no die anderä, wos no biz länger hei mögä ushalte und es isch no gsungä und tanzt wordä – Andi diä Jubi CD hets glaub allne ahdo, die isch eifach SUPER / MERCI VIELMOL!!

Zum schluss hei es paar no chli ghulfä ufrumä, i glaub die letschtä si am vieri am Morgä hei.

Brigitt, Kuddi und Judith au an euch drü DANKE VIELMOL, ich dänk mr s'isch für alli ä tolle Obä gsi.

Barbara Gysin